



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

De patientia & consolatione morientis. tit. 247

urn:nbn:de:hbz:466:1-29452

Quartò, hoc ponderare debent Catholici quod ma-
ior est necessitas morienti, vt sine sacramento Euch-
ristiæ moriatur in vnitae Catholica, quàm à sectari-
js recipere sacramentum, & mori extra charita-
tem Catholicam. Periculosius enim est mori in odio
extra charitatem, quàm sine sacramento corporali.
Ideò nemo in extremis patiatnr se auelli ab vnitae
Ecclesiæ, per sacramentum sectariorum, sed potius
moriatur in fide sacramenti & Catholica vnitae, &
sic constans circa vnitatem Catholicam. Nam sectari
regnum DEI non possidebunt, Galat 5. & Matthæi
5. Christus ante omnia iubet reconciliari fratri.
Ex his liquet, in quo periculo moriantur, qui extra
Catholicam vnitatem & charitatem moriuntur: &
quòd nihil aut parum proderit sacramentum eor-
um extra charitatem Catholicam sumptum. 1. Ioh. 4.
Qui in charitate manet, in Deo manet, & cæt. Hanc
pacem & charitatem requirit Christus in suo aduen-
tu. Si non vlt munus extra charitatem, ergò nec ani-
mam tuam & cæt.

DE PATIENTIA ET CON-

solatione morientis.

TITVLVS CCXLVII.

PRI Mò, Christus saluator noster quoni-
am verus fuit homo, ideò in horto con-
tremiscit de morte, Matth. 26. Sed con-
fortatur ab angelo, & committit se vo-
luntati patris. Sic omnis homo natura-
liter abhorret mortem, & indiget consolatione. Pri-
mo ergo decubens lecto, & sustinens pœnas grauissi-
mas & dolores, cogitet, quòd hæc est diuina ordina-
tio, & vltio, quæ peccatum punit in corpore, Rom. 8.
Corpus corrumpitur propter peccatum. Et Roma. 6.
Stipendium peccati mors. Sic enim Deus purgat &
punit peccatum in hoc mûdo, quod antè cõmisit. Et
causa

enim corpus instrumentum animæ. Vult ergò Deus quod corpus sit sanum in futuro sæculo. Ideò habet patientiam in infirmitate, est enim illa ex diuina voluntate.

Secundò, Hæc autem nunc est confortatio angelica, quod scit & credit, quod DEVS propter CHRISTVM vult sibi dare, pro hac morte, quam tolerat, vitam: vt sicut Adam illi mortem attulit, sic CHRISTVS vitam. 1. Corinth. 15. Sicut in Adam omnes moriuntur, sic CHRISTO, &cet. Secundò, quod CHRISTVS pro suis peccatis vult dare suam iustitiã, vt sicut vnus peccato cõstituti sunt peccatores multi, id est, propter inobedientiam Adæ, ita per vnus obedientiam iusti constituentur multi, Romanorum. 5. Tertiò, Quod Deus pro consortio hominum, rerum temporalium amissione, vita præfente, vult dare gaudium æternum, confortium angelorum, sanctorum omnium, sic quòd non sunt condignæ passiones &c. Rom. 8. Hæc consolatio angelica.

Tertiò, Non erimus soli in hora mortis, id quòd certissimè credere debemus. Nam quandò ab omnibus derelinquimur hominibus, tunc accedit CHRISTVS, accedunt omnes angeli, accedunt omnes electi. Primò CHRISTVS, qui promittit, Matth. vltim. Ego vobiscum sum &cet. vsque ad consummationem. Et Psalm. 60. Cum ipso sum in tribulatione. Accedunt quoque angeli, quibus commisit vt in manibus suis portent nos, & custodiant in omni loco cõtra sathanam, Psalm. 90. Accedit tota Ecclesia cælestis, orans pro commembro suo, ecclesia inquam viuentium & triumphantium, & cupit vt illis associemur, vt in fide constantes simus, orat, &cet. Et sic non erimus soli: sed multi sunt nobiscum, licet non videamus oculis corporalibus sicut figuram habemus 4. Regum. 6. de Helisæo propheta, qui dixit ad seruum suum: Noli timere, Plures sunt nobiscum, quàm cum illis,

illis, &c. Vide historiam. sic non sumus soli in morte, sed multi nobiscum sunt, id quod est etiã consolatio.

Quartò, Esaias capit. 9. tria commemorat de Christo, quæ maximè perpendere debet moriens ad sui consolationem. Et dicit primo, Quòd iugum oneris, id est, conscientie quæ est peccatum in conscientia, quæ est grauis sarcina, pertulisti. Secundò, virgã humeri, id est, mortem quæ est vita, quasi virga, aut correctio pro peccatis. Rom. 6. Stipendium peccati &c. exuperasti. Tertiò, sceptrum exactoris, id est, sathan cum inferno, qui exigit satisfactionem pro peccato, & plenam obedientiam legis tu fregisti. Hæc omnia in Iesu Christo superasti, qui in cruce vicit mortem, peccatum, infernum. Ideo dixit Simeon Luca 2. hæc perpendens: Nunc dimittis seruum tuum Domine, secundum verbum tuum in pace, quia viderunt oculi mei salutare tuum, &c. Non ergo debet homo timere mortem, &c.

DE CHRISTIANA
sepultura.

TITVLVS CCXLVIII.

Primò, Articulus fidei nostre præcipuus est, quòd credimus eandem carnem nostram, quam nunc gestamus, in nouissimo die resurrectionem, & glorificandam esse in vitam æternam, iuxta Apostolũ, Phil. 3. Saluatorem expectamus Dominum nostrum Iesum Christum, qui reformabit corpus humilitatis nostræ, &c. Ideo sepultura Christiana fit cum solennitate publica, & sic propter spem & fidem resurrectionis. Cadauer animalis non sepelitur cum honore, quia spem resurrectionis non habet. Sic Paulus scribit 1. Thessa. 4. & facit sermonem, & 1. Corint. 15. Vbi prædicat de memoria fidelium, qui spem re-
surre-